

劉兆祐博士主編
中國史學叢書三編

萬曆長洲縣志
(三)

臺灣學生書局 印行

劉兆祐博士主編
中國史學叢書三編

萬曆長洲縣志
(三)

臺灣學生書局印行

萬曆長洲縣志十卷／（明）皇甫汈等編--影印本--臺北市：臺灣學生，民76

30,1274面；3 册，21 公分--（中國史學叢書第三編，第四輯；49）劉兆祐主編

據中央研究院歷史語言研究所藏明崇禎八年刊本影印

1. 中國一史料 I（明）皇甫汈等編 II 集叢名

III 劉兆祐主編

618/8658 V.49

中國史學叢書第三編 第四輯

劉兆祐博士主編

中央研究院歷史語言研究所藏本
萬曆長洲縣志一〇卷

編者：明·皇甫汈等

出版者：臺灣學生書局

本書局登記：行政院新聞局局版臺業字第一一〇〇號

發行人：丁文治

發行所：臺灣學生書局

臺北市和平東路一段一九八號
郵政劃撥帳號〇〇二四六六八號
電話：三二四一五六・三二一〇九七

香港總經銷：藝文圖書公司

地址：九龍又一村達之路三十號地下後座
電話：三一八〇五八〇七

中華民國七十六年六月初版

洲縣藝文志卷之四

吳郡

孝廉張鳳翼 太學張獻翼

處士錢允治 陳文烈

同纂修

河渠
倘渠

許墅永通渠記

陳琦

吳郡去城西北一舍許有名鎮曰許墅濱臨漕
河舟航所聚商賈所通驛使交馳紛紜填溢
無虛時自永樂間通漕以來 朝廷設關津以
征商稅每歲必命地官之廉勤幹濟者蒞焉
於是操鈎縱之柄爾時其啓閉遇夜則

防私渡其法舟之廣狹徵賦之多寡按季而
之民部其資國用也廣矣然皆視公署猶傳
舍以積歛爲功績事裁損於利者咸莫之爲
治十二年己未今地官員外郎賴公奉命以
來凡百究心一以寬仁爲本如商之竹木過此
者則曰此工曹已稅矣不可爲之重征也聽其
徑行仍謂往來小航容無升斛例不納稅者且
與賞舟鱗次放行其間豈無婚喪延醫診援危
疾而時刻不可逾者能不苦於稽滯乎爰謀爰
乃關轄之旁命工鑿小渠以石固壘其修

千丈廣六尺餘僅容刀舟之度一時之農工
漁樵婚喪之人行旅裹糧之輩晨夕往來無復
艱阻於是人心欣躍感戴公德之至關之父老
相率踵予告曰賴公建此萬世永利良恐歲久
繕治不繼日就湮汨則爲民病猶前日願得一
言以紀諸石庶使後之繼至者有所考見以相
承于勿替乎予謂世有古今人心無古今賴公
忠以奉國仁以惠民秉彛之理人心所同後
之君子同寅協恭贊相輔翼增所未備也必矣
又奚爲慮哉且公之偉績誠不止此觀其堂

惟新窗戶疏達外建屏牆增補石岸財出于民不知費蓋公廉以濟敏公以施仁故商不盜征而課額自足津無苛留而渡有捷徑黃緣財利者無所投其隙倚法爲奸者無所施其計嗚呼是可以觀政矣異時秉國之鈞均國之惠卽此心之充拓耳又奚庸言因記其渠也而牽聯書之公名先字
閩之汀州人由進士任今官云

沙湖隄記

吳寬

川禮職方氏東南曰揚州其澤藪曰具區浸曰

五湖今蘇郡在古揚州境內而具區卽太湖也
又在今吳縣境內獨所謂五湖者莫考其跡然
水所潴輒數千頃以湖名者不知有幾豈卽周
禮之五湖耶或曰太湖中分爲五故名夫旣曰
具區不應複言五湖是必不然凡田之並湖者
旣藉灌溉之利而風波衝激田塍輒崩則有浸
淫之苦至於舟楫往來固擅乘載之利然而風
波猝興港渚無避亦有覆溺之憂蓋利害之相
倚伏如此湖之在偏隅者不必論若距郡城東
十里曰沙湖凡太倉崑山嘉定崇明之人之

所必經者其廣袤各數十里橫絕道上其北
脫田其中多舟楫人以爲患者尤甚南有盜藪
以行劫爲業客舟爲風波所阻集于岸下多不
能免人益患之昔人欲築隄以捍水者久矣皆
以土石所施無所附麗其功難成遂置之乃弘
治丙辰工部主事姚君文灝奉敕來督水利始
白于巡撫右副都御史朱公謂隄可築公往視
之亦曰可築且曰是宜用卷埽法蓋吾治河決
時所已試者也謀旣協姚君乃專任其事先
君從工部侍郎徐公浚常熟江口獲蒔利

以民者以爲公用及是遂賴其濟一時夫
力計用畢具功垂成而君移疾去矣今郎中
君潮來代周行田野水利大興他日行至沙湖
歎曰是隄之功其可已乎至是巡撫爲左副都
御史彭公復勸相之而隄竟以完告其濶爲丈
三長爲丈三百六十隱然如城堅壯可久而水
勢汪汪安流成渠人皆稱便惟古土功之興春
秋謹之大抵因民之所利而利之則易爲功遠
之則難然又有難易焉者孟子曰爲高必因丘
陵爲下必因川澤蓋言因其勢者則易也故

之捍水者未有不因於土之勢然非知乎水之性亦終於壞而已今夫沙湖爲隄旣無所因可謂難矣顧其水湍悍特殺而抑之其漩洄演漾固無所滯此其所以竟成也彼梁作淮堰成而卽壞惟障而塞之不知其性也爾水利之不行已久行則有利焉然能去其患則利在其中如是隄然蓋耕者無浸淫之苦則安於田畝行者無覆溺之憂則樂於道路賈者無掠奪之恐保其貨財利何博於此是役也前守爲史侯

人皆經其其事者若通判陳瑋

鄺璫縣丞竇胤主簿喻牙以勞績並可書者於是傳君使來請文刻石予郡人也意水患之能去且知君之才操與姚君並美無忝於上命也遂爲之記後之人尚謹視之以無隳其功云

弘治九年工部主事姚文顯築沙湖隄廣三丈袤三百六十丈

重建夏侯橋記

潘夢旂

六飛駐浙吳爲輔藩地望崇重視昔有加井邑昇繁於今爲最郡治稍西橋曰夏侯以地有夏侯得名締創於皇祐壬辰重修於紹興辛未刻于壁記于志可攷僅此他無聞焉水環樓

陸帶闌闌左奉臺府旁聯宮寺右亘蘇館間到
津候糟丘級其首鱣庾濱其腹人物輻輳使客
旁午飛轂馳羈曳裾躡屐交徃迭來必由斯橋
曉鼓未作聲迹嘈襍夜漏未半暫止復動歲久
而弊非兩馬力將持厥危非一木支寶慶初元
邦人相率出力改作使守嘉其志悉捐金以助
遠近翕爾而應乃命工師課員程具木石以什
秋癸丑撤其故而新之下則疊石爲址剡內直
外如植半圭護以連楹兩岸對起而合以梁上
則鋪石甃而空中脰端如浮脩眉翼以扶闕

力應而接于達明年七月工以訖告大
軌高內巨舶不峻而隆不削而垂遠而望之巍
巍乎其崇近而履之坦坦然其夷厥材孔良厥
砌孔堅足以閱千祀而不朽矣大自行都抵京
口渡維揚直都梁臨中原咸有通溝貫城以行
運艦長虹跨水以便徒趨然其源泉併爲一川
架波取道無幾惟吳呼吸具區灌注五門曲河
旁達疏派且有飛梁錯峙輿岐俱多輿轡經隧
樓帆過肆左賦美之夜市菱藕春船羅綺常詩
詫之其流所以聚故民願而富其水清且

俗粹而美橋梁道路責在有司吳人尚義多助
我私閭里興脩歷歷可舉茲橋底績其有自哉
僕生於吳舉於吳隨牒四方三十年未嘗一日
忘父母國甫入都故老貽書述斯役俾作記忻
然諾之庶幾登名于碑他日歸老能從容乎其
所若勸施位名金穀品目列之左不復書寶曆
二年七月朝散郎郡人潘夢旂記

許市重造普恩橋記

吳寬

許墅在蘇州西北境上其民際水而居農賈謀
生爲吳中一大業自景泰間朝廷置推官

此舟楫停集居民益繁貿易往來以限於官河
皆不稱便成化初雖嘗作橋以免濟渡而南北
遼絕人迹折還猶以爲不便也里父老相傳故
有橋在周孝侯廟傍訪求之果得石刻題曰普
思橋視其時宋慶元三年也乃圖重造而不敢
專以戶部主事藁城劉君煥方奉命分司於
此敏而有爲始合言以請君曰是民功也吾何
敢阻且從而獎勸勵之他日工部主事貴溪姚
君文灝行水至聞其事亦從而相勸之民既樂
爲則又言於知府史侯侯曰雖未嘗有橋然

御史朱公亦曰宜於是更相告言由是
凡得白金若干兩擇弘治九年五月興功是年
十二月竣華劉君喜其事之果成也曰是橋財
費甚鉅勞力甚多然而利益甚大不可使後人
無所攷也介鄉貢進士蒲君應祥請文以記夫
事之成未不由於人和者周之作洛曰四方
民大和會橋梁之役雖非是之比然民不欲爲
則上之人雖驅而使之不能成也至於民既
爲上之人感弗之而不從則其事亦豈能成哉
以夫爲上之人能從之故雖財用鉅而